

《中國地方藝文薈萃》編輯會 編

學苑出版社

中國地方藝文薈萃

華東卷·第二輯

華東卷・第二輯
●陸

中國地方藝文薈萃

《中國地方藝文薈萃》編委會

編

第六冊目錄

莆風清籟集六十卷（二）

.....

莆風清籟集六十卷（二）

莆風清籟集六十卷（二）

（清）鄭王臣輯

據清乾隆間刻本影印。

甫風清籟集卷四

盤 厓 陳 焱晉亭

叅 訂

嘉 善 陳興祚芥舟

里中後學鄭王臣慎人

一字蘭岐輯選

受業弟名臣雋人 校 閱

宋 二

徐 復 一首

字復之一字希顏寅曾孫慶歷初以布衣召見

除大理評事固辭賜號冲晦處士

蘭陵詩話處士精音律。兼通陰陽天文地理。通
甲占射諸家之說。與林和靖為忘年交。往來唱
和。冲晦居萬松嶺。和靖居孤山。夾湖相望。人稱
為西湖二處士。其詩亦畧相類。

全林逋宿中峰次韵

盥櫛從朝懶。論交畏昔賢。寒花隱亂草。老木插飛烟。聽
雨夜牀冷。彈琴秋葉前。臨高問往事。歷々是何年。

鄭 禧 二首

字春卿。慶歷二年三禮科出身。官虞部郎中。出

知漳州

湘江秋夕

嶽麓長雲合。湘江暮靄收。鴻鳴沙渚夜。葉脫洞庭秋。霜竹千叢密。風絃一曲愁。獨醒人不見。兩岸水悠悠。

睡覺

玉爐香斷瑞煙微。小院陰岑夾幕垂。一枕清風人寂後。半牕明月酒醒時。漆園蝴蝶難成夢。巫峽行雲想有期。徹曙淒涼精氣爽。漏殘燈灺畫屏欹。

方子容二首

字南圭。皇祐五年進士官朝請大夫知惠州。偕循守周彥質過蘓東坡白鶴新居和東坡韻。

躬隱南山竊在陰。浮羅一望白雲深。巧工且縮居旁手。
烈士誰知負壯心。嗟我抗塵仍走俗。羨君叩寂且求音。
如何東嶺神僊境。肯約衰翁數訪臨。

再訪東坡用前韻

東嶺新成桃李陰。春光日、向人深。遙瞻廣廈驚凡目。
自是中台巧運心。輪奐欲形張老頌。調歌先聽伯牙音。
料公不負南堂約。應許衰翁領客臨。

鄭叔明 二首

字未詳。伯玉子。皇祐五年進士官將樂令。

白鷺

迥出塵埃外。飛來雲水涯。暮灘饑眼疾。秋吹頂絲斜。雨
急依寒葦。舟移散遠沙。還嗤鸚鵡慧。籠鎖五侯家。

建溪

水色山光表裏清。野花溪柳意相迎。狂歌驚鷺灘頭散。
歌枕看雲嶺上生。峰曲轉帆疑路盡。潭深飛棹覺舟輕。
歸程漸喜鄉關近。竹戶楓林鷄犬聲。

鄭叔僑一首

字子振一字惠人。伯玉子。元豐八年進士官清

溪知縣

熙寧橋

千尋水面跨長橋。隱隱晴虹卧海潮。結廬直通黃石市。
連艘橫斷白湖腰。

黃中庸一首

字長行。皇祐五年進士。授太常博士。以司馬溫公薦授新西提刑。

蓮花池

蓮花瓣裏可撐船。一月映成水一川。人把水心和月爭。

蓮花貯月水傾鉛。

徐鐸一首

字振文熙寧九年賜進士第一歷官吏部尚書

前陞詩話公昭慶仍探與兄銳同登第時有龍
虎榜頭孫叔祖鳳凰池上弟聯兄之稱是年里
人薛奕應武舉亦狀元神宗賜詩云一方文武
魁天下四海英雄入彀中洵盛事也

九鯉湖

昔年曾此一尋幽。今日重來訪舊遊。羽客有情迎別館。
僊人何處隔滄洲。珠簾丹竈遺蹤在。玉鉢蟠桃勝跡留。
欲借一枝長息影。閒吟花鳥任春秋。

鄭永中一首

字育之。舊子元豐中。以廕補慈溪知縣。

觀稼閣

公餘乘興步危樓。十里如雲翠欲流。多稼茫茫天外潤。
平湖渺渺望中浮。方忻民樂庭無訟。更聽農歌歲有秋。
吏責已寬聊自得。待憑詩酒寓優游。

林冲之一首

字和叔。元符三年進士官主客郎中。使金被執。

一屈死

似此詩詞和叔死於金鄭夾深哭之以詩云官
似此詩詞和叔死於金鄭夾深哭之以詩云官

矣

春日郊居

寄廬城郭遠風塵不信農夫有食貧世輕金無子子姓
臣愚只恐負君親枯桑伐火情龜殼野鼠食禾訟穀神
勸汝及春收束耜官家子弟欲行春

方叔震一首

字失攷元祐六年進士授瀛州防禦使官制聖
四年登宏詞科未遷卒

越王城

聞道越王避漢兵。窺身嚴谷覲脩生。如雲甲馬今何在。
只見良田萬頃平。

蔡佃一首

字未詳。襄孫崇寧二年賜進士第二。建言貴
溫州稅累官。朝奉郎直龍圖閣。

蘭陵詩話。公廷封名第一。以京次附名。閣故抑
置第二。公深恨之。史氏之言。信而有徵。書同
通譜。見於史策者。如石楨之附。石勒孫弼之附。
孫秀侯瑀之附。侯景李璵之附。李輔國官以名
附。而附小人京則以外人而附。名將故史氏書
之以嚴其別。近修邑志者。指二蔡為一。誤。

雷澤澤

水流石激擬鳴雷。洞裏乾坤別有臺。玉鳥扶風飛復下。
瑤花帶雨落還開。鐘聲敲斷白雲裏。鉢影盤迴黃鶴來。
笑道神仙無覓處。空留丹灶冷蒼苔。

方唯深 三首

字子通。崇寧五年特奏名授興化軍教授。

謝山子云

文獻通考稱公詩精詣超絕。王荊公最愛之。曾
題詩選以為姑蘇人誤也。

和周楚望紅梅韵

清香皓質世稱奇。試作紅妝更自宜。紫府與丹來映骨。

春風吹酒上。凝脂直教臘雪無。藏處祇恐朝雲有。去時
溪上野老。何足種。秦人應獨未相知。

古柏

四邊喬木盡兒孫。曾見吳宮幾度春。若使當時成大厦。
也應隨例作埃塵。

舟下建溪

客帆收浦月黃昏。野店無燈欲閉門。半出峴汀楓欲死。
繫舟猶有去年痕。

徐師仁一首